

Agencija za osiguranje depozita Bosne i Hercegovine – kreditna linija III

Zemlja:	BOSNA I HERCEGOVINA
Broj projekta:	55992
Poslovni sektor:	Nedepozitni krediti (nebankarski)
Vrsta obavijesti:	JAVNI SEKTOR
Okolinska kategorija:	FI
Ciljani datum odobravanje:	23. juli 2025.
Status:	U razmatranju
Datum objave PSD-a na engleskom jeziku:	16. maja 2025.

Opis projekta

Obezbjedenje stand-by kreditne linije od 30 miliona eura za potrebe Agencije za osiguranje depozita Bosne i Hercegovine („AOD BiH“) koja će biti dostupna kao suvereni kredit Bosni i Hercegovini („BiH“), obzirom da postojeća stand-by linija od 30 miliona eura ističe u oktobru 2025. EBRD-ovo finansiranje u obliku stand-by kreditne linije ima za cilj da obezbijedi sredstva za AOD BiH, ako i kada budu potrebna, kako bi AOD BiH mogla izvršiti svoju funkciju isplate osiguranih sredstva deponentima ili sudjelovanja u procesu sanacije banke članice.

Ciljevi projekta

Kreditna linija će omogućiti AOD BiH da ima odgovarajuća rezervna sredstva da obezbijedi svoju likvidnost kao i potrebna sredstva za pokriće osiguranih depozita, čime će omogućiti i održati povjerenje u bankarski sistem zemlje. Dostupnost stand-by kreditne linije kao rezervnog izvora finansiranja je u skladu s međunarodnim najboljim praksama i preporukama za programe osiguranja depozita. Dodatno, u skladu sa novim Zakonom o osiguranju depozita, finansiranje će također biti dostupno i u slučaju sudjelovanja AOD BiH u procesu sanacije banaka.

Tranzicijski uticaj

ETI 64

Projekat će nastaviti s ojačavanjem kapaciteta AOD BiH i njenog kredibiliteta, što će umanjiti rizik povlačenja depozita u kriznim situacijama i doprinijeti jačanju povjerenja u bankarski sektor. Dugoročno, održavanje pouzdanog sistema osiguranja depozita bi trebalo imati pozitivan efekat na rast baze depozita i dostupnih izvora finansiranja, što podržava tranzicijsku kvalitetu Otpornosti. Komplementirajući tekući rad na usklađenosti sa EU direktivama, prilagođena podrška u polju cyber sigurnosti će doprinijeti tranzicijskoj kvaliteti Dobrog Upravljanja kroz analizu jaza u cyber sigurnosti, kreiranje plana za poboljšanja te trening aktivnosti za rukovodstvo. Ovime će se pomoći AOD BiH da po prvi put dostigne usklađenost sa međunarodnim najboljim praksama Okvira Cyber Sigurnosti CIS18 IG 2.

Informacije o klijentu

BOSNA I HERCEGOVINA

Zajmoprimac je država Bosna i Hercegovina, a stand-by kreditna linija će biti dostupna AOD BiH. Agencija je osnovana u augustu 2002. Zakonom o osiguranju depozita Bosne i Hercegovine. AOD BiH je nezavisno, neprofitno pravno lice koje primarno osigurava depozite svih prikladnih deponenata koji imaju račune u bankama članicama.

EBRD Finansiranje

EUR 30.000.000,00

Ukupni troškovi projekta

EUR 30.000.000,00

Okolinski i socijalni sažetak

Kategorija FI (ESP 2024). AOD BiH je postojeći klijent EBRD-a. Kroz dubinsku analizu okoliša i socijalnih pitanja ("E&S") revidirano je korištenje sredstava i klijentov godšnji E&S izvještaj te potvrđeno da projekat ima ograničene E&S rizike, i da AOD BiH zadovoljava zahtjeve EBRD-ove E&S politike i izvještavanja pod postojećim, sličnim izloženostima. Od AOD BiH će se zahtijevati nastavak ispunjavanja E&S Provedbenih Zahtjeva (ESR) 2 i 4. ESR 9 nije primjenljiv jer je AOD BiH javni subjekt čija je uloga osiguranje depozita za druge finansijske institucije, pa su shodno tome jedini rizici koji se mogu predvidjeti rizici u vezi sa radnim uslovima, zaštitom i sigurnosti na radu. AOD BiH će također morati dostavljati godišnje E&S izvještaje EBRD-u.

Tehnička saradnja

Projekat će biti podržan dubinskom analizom u polju cyber sigurnosti, uz podršku donatorskih sredstava iz Digital Hub Programa Tehničke Saradnje u polju Cyber sigurnosti, u iznosu od EUR 20 hiljada. Glavni cilj angažmana je pomoći AOD BiH da identifikuje postojeći jaz u svom odnosu prema cyber sigurnosti i asistirati pri smanjenju tih jazova. S tim u cilju, angažman će se fokusirati na:

- 1) Provođenje analize jaza cyber sigurnosti za glavna digitalna sredstva i procesa AOD BiH, kroz ocjenjivanje u poređenju sa relevantnim međunarodnim standardima.
- 2) Formulisanje akcionog plana za poboljšanje odnosa prema cyber sigurnosti.
- 3) Dizajniranje i provođenje trening radionice za cyber sigurnost za rukovodstvo Agencije.

Dodatna vrijednost

Projekat će osigurati izvor finansiranja u slučaju nužde, u državi koja nema neposredan i stalan pristup međunarodnim tržištima kapitala i gdje je Centralna Banka zakonom onemogućena da ponudi hitnu podršku likvidnosti za AOD BiH u slučaju stečaja banke i posljedične isplate sredstava deponentima ili u slučaju sudjelovanja u procesu sanacije banaka. Predložena ERBD stand-by kreditna linija je jedini oblik hitnog finansiranja kojem AOD BiH može imati pristup. Projekat će također imati dodanu vrijednost u rodnoj ravnopravnosti, jer će AOD BiH u saradnji sa Centralnom Bankom raditi na rodnoj desegregaciji podataka o depozitima, u sklopu WE Finance Code inicijative.

Kontakt podaci klijenta

Gorana Krunić

aod@bih.net.ba

+387 51 223 446

+387 51 223 452

www.aod.ba

Vase Pelagića 11a 78 000 Banja Luka, Bosnia i Hercegovina

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168

E-pošta: projectenquiries@ebrd.com

Za projekte u državnom sektoru, molimo kontaktirajte [EBRD Nabavke](#):

Tel.: +44 20 7338 6794

E-pošta: procurement@ebrd.com

Opći upiti

Konkretni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani Provedbeni zahtjevi utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i Provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti

pismenu prijavu Glavnom službeniku za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, Politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerovatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnom](#) i socijalnom politikom ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s [Politikom odgovornosti u realizaciji projekata](#) i [Smjernicama](#). Identitet podnositelja zahtjeva može, na njegov zahtjev, ostati zaštićen.